



Universitätsbibliothek Paderborn

**Agenda, Das ist: Kirchenordnung/ wie es im
Fürstenthumb Hessen mit verkündigung Göttliches
Worts/ reichung der heiligen Sacramenten vnd andern
Christlichen handlungen vnd Ceremonien gehalten
werden ...**

Wilhelm <IV., Hessen-Kassel, Landgraf>

Marpurgk, 1574

VD16 H 2964

Gebett wider den Bapst und Türcken.

urn:nbn:de:hbz:466:1-35994

tezeit loben / durch vnsern Herrn Ihesum
Christum deinen Sohn / der mit
dir in einigkeit des heiligen Geistes
regieret vnd herschet immer vnd ewiglich / Amen.

Gebett wider den

Papst vnd Türcken.

Almechtiger Gott ein König aller
Könige / vnd Herz Himmels vnd
der Erden : Wir bekennen das wir
leider viel gesündigt haben sampt
vnsern Vettern / wir haben mißhan-
delt vnd seind Gottlos gewesen / vnd
haben deinen zorn / zeitliche vnd ewige
straff gar wol verdienet : Bitten aber
mit reuwigem hertzen / du wöllest vns
vnser sünde vñ deines lieben Sons
willen

Willen auß gnaden verzeihen / vnd
 vns behüten für der grausamen Ty-
 ranney des Papsis vnd Türckens /
 vnd irer grossen macht / du siehest ja
 wie sie in dein Erb gefallen seind / vnd
 gedenccken deine Kirche vnd Gemeine
 züuerunreinigen / vnd auß vnsern
 Stedten Steinhaußen zümachen /
 sie haben die Leichnam deiner knecht
 den Vögeln vnder dem Himmel zü-
 fressen gegeben / vnd das fleisch deiner
 heiligen den thieren im lande / sie ha-
 ben der Christen blut vergossen wie
 wasser / vnd war niemand der begrub:
 Ach Herz laß vns nicht ein schmach
 werden / ein spoth vnd hohn denen die
 vmb vns seind / Herz wie lang wiltu
 so gar zörnien / vnd deinen eiffer wie
 Feühr brennen lassen? Gedenccke nit
 vnsrerer vorigen missethat / erbarm
 dich

dich vnser baldt / denn wir seindt fast
dünn worden / hilff du vns Gott vn-
ser helffer vmb deines Namens wil-
len / warumb lessst du die Heyden sa-
gen wo ist nuh ihr Gott ? Laß vnder
inen für vnsern augen kuadt werden
die rache des blüts deiner knecht das
vergossen ist / laß für dich kommen
das seuffzen der gefangenen Christen
nach deinem grossen arm / erhalt die
kinder des Todes / Nimm deinen feind-
den herz vnd muth / das sie müssen
verzagen / vnd ihre hende seyge wer-
den / Schilt sie das Ross vnd Mann
in schlaff sincken / Schütze vns Herre
Zebaoth / beweise deine hülff an vns /
das wir sehen mögen die wolfarth
deiner aufferwelten / vnd vns freuwen
das deinem Volck wolgethet / vnd vns
rühmen mit deinem Erbtheil / Wir
rühmen

13
rühmen das du ons hilffest / vnd auff
deinen Namen hoffen wir / ach Herz
sey ons gnedig vmb dein selbst wil-
len / verlasse dein Erbtheil nicht /
welches nach deinem Namen genen-
net ist worden / denn es ist sonst nie-
mandt der für ons kondte streiten /
denn du vnser Gott alleine / heb dei-
nen Arm auff ober die frembden das
sie deine Macht sehen / auff das sie
erkennen wie wir erkennen das kein
ander Gott sey / dann du Vatter in
Christo sampt dem heiligen Geist /
Amen.

Ein ander kurtzer

Gebett.

Almechtiger gnediger Gott / vnser
H III gütiger